

PRÓFREGLUGERÐ

fyrir skipstjórnarnám.

Samkvæmt lögum nr. 22 3. maí 1972 og reglugerð nr. 259 27. ágúst 1974 um Stýrimannaskólann í Reykjavík eru hér með settar eftirfarandi reglur um prófkröfur og tilhögun á prófum við skipstjórnarpróf:

I. KAFLI

Almenn ákvæði.

1. gr.

Skólaárið skiptist í tvær námsannir, haust- og vorönn. Próf skulu að jafnaði haldin í kennslugreinum skólans að lokinni námsönn, og er heimilt að ljúka prófum í einstökum greinum skipstjórnarprófa á haustönn og vorönn. Skólanum er heimilt að fjölga eða fækka kennslugreinum, ef ástæða þykir til. Til að gangast undir skipstjórnarpróf verður nemandi að hafa setið í skólanum. Þó er heimilt að sækja um leyfi til að ganga undir próf án þess að hafa stundað nám við skólann, ef sérstakar ástæður mæla með því. Slíka beiðni skal senda menntamálaráðuneytinu minnst tveimur mánuðum fyrir próf og skulu beiðninni fylgja vottorð um að fullnægt sé inntökuskilyrðum 1. bekkjar.

Próftaki skal ennfremur ljúka öllum þeim námskeiðum, sem nemendum er skylt að sækja og eigi minna en 90% kennslustunda í notkun siglinga- og fiskileitartækja, eða leggja að öðrum kosti fram gögn um fullnægandi kunnáttu í þeim greinum að mati skólastjóra.

2. gr.

Við lokapróf einstakra greina skipstjórnarprófa á haust- eða vorönn skipar menntamálaráðuneytið prófdómara að fengnum tillögum skólastjóra. Kennarar skólans skulu einir sjá um próf á haustönn önnur en lokapróf.

Heimilt er að kveðja til tvo prófdómara í sama prófi, ef um sérstök tilvik er að ræða. Prófdómarar skulu samþykkja verkefni lokaprófa. Áður en próf hefjast skal samin próftafla og minnst tveimur vikum áður fest upp í Stýrimannaskólanum. Skulu próftakar mæta stundvíslega eftir þessari töflu.

3. gr.

Próf fara fram skv. prófreglum sem birta skal í námsvísi skólans. Áður en próf hefjast skal skólastjóri ganga úr skugga um að próftakar hafi kynnt sér prófreglur. Brot á prófreglum getur varðað brottvísun frá prófi.

Í erlendum tungumálum skal prófað bæði munnlega og skriflega, þó er heimilt að fella niður munnleg próf á haustönn.

4. gr.

Nemandi sem mætir ekki til prófs eða gengur frá prófi og kennir sjúkleika um, skal sanna með læknisvottorði að hann hafi verið sjúkur, og má þá prófa hann í því sem hann átti ótekið próf í, þegar því verður við komið.

5. gr.

Einkunnir skal gefa í heilum tölum og skal notaður einkunnastigi frá 1 til 10 eftir þeim reglum sem menntamálaráðuneytið setur um einkunnir í framhaldsskólum. Meðaleinkunn á lokaprófi skal gefin með einum aukastaf.

Að lokinni hverri námsönn gefur kennari nemanda einkunn fyrir frammistöðu og kunnáttu. Nemandi skal hafa skilað öllum tilskildum heimaverkefnum áður en kennslu lýkur.

Kennaraeinkunnir skulu birtar áður en próf hefjast.

Annareinkunn er meðaltal kennaraeinkunnar og prófseinkunnar.

Annareinkunn verður lokaekinn, ef áfanga eða námsgrein er lokið á önninni.

Ef námsgrein er kennd á báðum námsönnum er lokaekinn meðaltal einkunna á haust- og vorönn.

Kennari og prófdómari skulu sameiginlega ganga frá lokaekinn í hverri grein og færa einkunnir á einkunnablað, sem er undirritað af þeim báðum og dagsett.

Verði meðaltal á miðju bili einkunnastigans skal valin sú einkunn sem nær er prófseinkunn nemanda.

Birting einkunna er heimil strax að lokinni prófdæmingu.

6. gr.

Nemandi, sem hlýtur lægri meðaleinkunn en 5 úr prófum námsannar, verður að endurtaka önnina. Nemandi sem á annarprófi nær 5 eða meira í meðaleinkunn hefur heimild til að endurtaka próf í einstökum greinum nái hann ekki lágmarks- eða framhaldseinkunn í þeim. Endurtökupróf skal ekki haldið fyrir en öllum öðrum prófum er lokið og áður en næsta námsönn hefst og skal líða minnst ein vika frá síðasta prófi.

Nái nemandi ekki tilskilinni lágmarkseinkunn á endurtökuprófi hefur hann heimild til að ganga aftur undir próf þegar það er haldið, en þó innan tveggja ára frá því hann tók fyrst prófið. Hann skal skrá sig til prófsins með minnst viku fyrirvara. Aðeins þeir nemendur sem ljúka annarprófi með fullnægjandi árangri eiga rétt á að hefja nám á næstu námsönn, en þó innan tveggja ára frá því að prófum lauk. Líði lengri tími á milli skal nemandi ganga undir stöðupróf þar sem þekking hans og hæfni er könnuð. Hafi námi og námsefni verið breytt í einstökum greinum eða nýjar námsgreinar teknar upp verður hann að taka próf í viðkomandi greinum áður en hann sest í deildina.

7. gr.

Nemandi sem hefur staðist skipstjórnarpróf fær prófskírteini. Á prófskírteinið skal skrá fullt nafn, nafnnúmer, fæðingarnúmer og fæðingarstað nemanda ásamt lokaekinn í hverri námsgrein, meðaleinkunn og aðaleinkunn, sem er samtala allra lokaekinna. Prófskírteini skal dagsett, stimplað og undirritað af skólastjóra. Nemandi fær ekki prófskírteini nema hann hafi lokið tilskildum björgunar- og slysavarnaræfingum sem og öðrum námskeiðum, sem haldin eru á vegum skólans og nemendum er skylt að sækja. Fullnægjandi lok námskeiða skal skrá í prófskírteini. Prófskírteini 2., 3. og 4. stigs skulu gefin út bæði á íslensku og ensku.

II. KAFLI

Próf og námsmat.

8. gr.

Skipstjórnarpróf 1. stigs.

Á prófskírteinið skal færa námsmat eftirtalinna greina:

A. Með einni lokaekinn:

Stærðfræði, siglingareglur, verkleg sjóvinna, sjómennska, stöðugleiki skipa, sjóréttur, heilsufræði, eðlisfræði, danska, enska, fjarskipti, fiskmeðferð, sund.

B. Með tveimur lokaekinum:

Íslenska, siglinga- og fiskileitartæki.

C. Með fjórum lokaekinum:

Siglingafræði.

Fyrir skólasókn er gefin ein lokaeinkunn, sem er meðaltal skólasóknareinkunna á haust- og vorönn eins og ákveðið er í námsvísi. Skólasóknareinkunn er færð á prófblað en reiknast ekki í meðaleinkunn.

Heimilt er að gefa einkunnir í fleiri greinum, ef nemandi á kost á valgreinum.

Skipstjórnarpróf 2. stigs.

Á prófskírteinið skal færa námsmat eftirtalinna greina:

A. Með einni lokaeinkunn:

Stærðfræði, siglingareglur, ratsjárútsetningar, merkjagjafir, tölvur, danska, enska, sjóréttur, bókhald, heilsufræði, veðurfræði, vélfræði, rafmagnsfræði, fjarskipti.

B. Með tveimur lokaeinkunnum:

Skipagerð, íslenska, siglinga- og fiskileitartæki.

C. Með fjórum lokaeinkunnum:

Siglingafræði.

Fyrir skólasókn er gefin ein lokaeinkunn, sem er meðaltal skólasóknareinkunna á haust- og vorönn eins og ákveðið er í námsvísi. Skólasóknareinkunn er færð á prófblað en reiknast ekki í meðaleinkunn.

Heimilt er að gefa einkunnir í fleiri greinum, ef nemandi á kost á valgreinum.

Skipstjórnarpróf 3. stigs.

Á prófskírteinið skal færa námsmat eftirtalinna greina:

A. Með einni lokaeinkunn:

Stærðfræði, ratsjárútsetning, siglingareglur og skýrslugerð, sjóréttur, heilsufræði, flutningafræði, tölvur, landa-, veður- og haffræði, rafeindatækni, fjarskipti.

B. Með tveimur lokaeinkunnum:

Íslenska, enska, danska, skipagerð, siglinga- og fiskileitartæki.

C. Með fimm lokaeinkunnum:

Siglingafræði.

Fyrir skólasókn er gefin ein lokaeinkunn, sem er meðaltal skólasóknareinkunna á haust- og vorönn eins og ákveðið er í námsvísi. Skólasóknareinkunn er færð á prófblað, en reiknast ekki í meðaleinkunn.

Heimilt er að gefa einkunnir í fleiri greinum, ef nemandi á kost á valgreinum.

Skipstjórnarpróf 4. stigs.

Á prófskírteinið skal færa námsmat eftirtalinna greina:

A. Með einni lokaeinkunn:

Stærðfræði, skýrslugerð, stjórnun, flutningafræði, tölvur, öryggisþjónusta, leit og björgun, efnafræði, eðlisfræði.

B. Með tveimur lokaeinkunnum:

Enska, Norðurlandamál, siglingafræði.

Fyrir skólasókn er gefin ein lokaeinkunn, sem er meðaltal skólasóknareinkunna á haust- og vorönn eins og ákveðið er í námsvísi. Skólasóknareinkunn er færð á prófblað, en reiknast ekki í meðaleinkunn.

Heimilt er að gefa einkunnir í fleiri greinum, ef nemandi á kost á valgreinum.

III. KAFLI

Lágmarkskröfur um einkunnir.

9. gr.

Til að standast skipstjórnarpróf 1., 2., 3. og 4. stigs skal meðaleinkunn vera hið lægsta 5 og engin prófseinkunn lægri en 3. Að öðru leyti gilda eftirfarandi reglur:

Til að standast skipstjórnarpróf 1. stigs er krafist:

Í siglingareglum ekki lægri einkunn en 6.

Engin lokaeinkunn í siglingafræði, íslensku, stöðugleika skipa, siglinga- og fiskileitartækjum og verklegri sjóvinnu má vera lægri en 5.

Til að standast skipstjórnarpróf 2. stigs:

Engin lokaeinkunn í siglingafræði, íslensku, siglinga- og fiskileitartækjum og skipagerð má vera lægri en 5.

Til að standast skipstjórnarpróf 3. stigs:

Engin lokaeinkunn í siglingafræði, íslensku, skipagerð, siglinga- og fiskileitartækjum, stærðfræði og ensku má vera lægri en 5.

Til að standast skipstjórnarpróf 4. stigs:

Engin lokaeinkunn í siglingafræði, ensku, stærðfræði og íslensku má vera lægri en 5.

Ágætiseinkunn telst meðaleinkunnin	9	að	10
1. einkunn telst meðaleinkunnin	7,5	að	9
2. einkunn telst meðaleinkunnin	6	að	7,5
3. einkunn telst meðaleinkunnin	5	að	6,0

Til að öðlast framhaldseinkunn til 2. og 3. stigs er auk þess krafist: í stærðfræði minnst 5, í eðlisfræði, rafmagnsfræði, dönsku og ensku minnst 4 í hverri grein.

Til þess að öðlast rétt til setu í 4. stigi skal nemandi hafa lokið 3. stigi með 1. einkunn í meðaleinkunn og hafa náð 7 í siglingafræði, ensku og stærðfræði.

10. gr.

Nöfn þeirra er ganga undir próf skal rita í sérstaka bók, sem menntamálaráðuneytið löggildir og geymd er í viðkomandi skóla. Í prófbók skal skrá fullt nafn hvers nemanda, nafnnúmer, fæðingarnúmer og fæðingarstað ásamt einkunnum sem gefnar voru við prófið. Nafn þeirra sem ljúka prófi skal einnig færa inn á spjaldskrá eða tölvudiskling. Skólastjóri sér um skráningu einkunna í prófbók.

Prófbók skal undirrituð af skólastjóra, kennurum og prófdómurum.

11. gr.

Reglugerð þessi sem sett er samkvæmt lögum nr. 22, 3. maí 1972, um Stýrimannaskólann í Reykjavík, og lögum nr. 1, 2. janúar 1973, um Stýrimannaskólann í Vestmannaeyjum, sbr. og reglugerð nr. 259/1974 um Stýrimannaskólann í Reykjavík, öðlast þegar gildi. Jafnframt er felld úr gildi prófreglugerð fyrir Stýrimannaskólann í Reykjavík nr. 360 frá 31. október 1974.

Menntamálaráðuneytið, 18. nóvember 1986.

Sverrir Hermannsson.

Knútur Hallsson.